

O BASHALNO THAY LESKORO KHUL

Isi ekh tsigulari te phenas, bashalno. Bashalela te phenas akale gaveste, kon kate. Nali pazarinena pes. Dzhala ko bashalibe.

Ekh kurko pazariina pes. Dzhala te phenas sar sar Malo Konare. Dzhala te bashalel. Akana ko drom prehela pes leste. Thay beshto, hendyas pes. Vazdindyas pi pantolya, phandyas pi kushtik thay trwgnindyas. O khul phenla leske:

– Ey, amala! E, zhar li man de! Kay? Mukes man kate?

Ov dikhla ki livadi o khul – blyus, pash leste.

– E, dav tu bulya ando khul, te dav tu! Tu palal mande phiresa!

Trwgninwla, li o khul pal leste. Achhyola, li o khul achyola.

– Ama, izhar man! Oti muklyan ma?

– Ey, akana nanay kurtulima kate khul! Dav tut – phenla – ando khul! Edin pwt muklyom tu, tu palal mande!

– Tu hendyan ma! Li meya mangava te zhav ko bashalibe!

I ov lela... So ka kerel? Nanay kurtulima. Lela pi kwrpa, Khidela, khidela o khul. Thoola les andi kwrpa. Thoola les andi kushtikate. Hop, zhala otka.

– E, svirdzhiyata e tuka! O bashalno alo! O bashalno alo!

– U-u-u! Neshto mirishe!

Pherde e mases. Okola beshte te han. Hana. O khul phenela leske:

– Amala, de li man! Samo tu ma ha!

Odova plakonela les, katka te na ushtel.

– Ey, dav tut bulya ando khul! Me ka oprainav tu!

Lela te piel, pala swshto o khul.

– Amala, de li man akana! Chhor li mange, de! Samo tu hasa, tu phiresa! De li man!

Akana phenel:

– Ey, dav tut bulya ando khul!

Bashaldyas, kerdyas. Nakhlo ekh sahati. Segash ide na toaletna, ne nam kakvo.

Ovda hohaela les. Gelo pash ki gotvachkes. Panch kazanya zumerena. Ov dikhla, chi o gotvachka mahnisayli. Baro kazani – ahmiina les, keryola. Lel o khul ande pe zhebate, andar I kushtik, thool ando kazani. Lela, bwrkiwla, phela:

– Ay, dav tu ando khul! Akana – kwtka! Ay kwtkate keryos!